



Poziv se zadržava 10.07.2024.

Broj: 02-33-2-2577/24  
Goražde, 25.06.2024.godine

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 66. Zakona o pravima, obavezama i odgovornostima pacijenata ("Službene novine Federacije BiH", broj 40/10), člana 14. Zakona o zdravstvenoj zaštiti ("Službene novine Federacije BiH", broj 46/10 i broj 75/13), člana 36. Statuta Grada Goražda („Službene novine Grada Goražda“ broj 5/18) i člana 4. Odluke o osnivanju Zdravstvenog savjeta Grada Goražda („Službene novine Grada Goražda“, 01/19 i 2/20) Gradonačelnik objavljuje

## **JAVNIPOZIV** **za izbor i imenovanje članova Zdravstvenog savjeta** **Grada Goražda**

### **I**

Gradonačelnik Grada Goražda (u daljem tekstu: Gradonačelnik ) objavljuje Javni poziv za izbor i imenovanje članova Zdravstvenog savjeta Grada Goražda (u daljem tekstu: Zdravstveni savjet).

### **II**

Zdravstveni savjet obavlja sljedeće poslove:

- predlaže i evaluira sprovođenje zdravstvene zaštite na području Grada Goražda ;
- daje mišljenje na planove i programe zdravstvene zaštite za područje Grada Goražda, te predlaže mjere za poboljšanje dostupnosti i kvaliteta zdravstvene zaštite na području Grada Goražda ;
- prati primjenu propisa na području Grada Goražda koji se odnose na zaštitu prava i interesa pacijenata;
- organizuje obrazovne kurseve za građanstvo iz poznavanja materije o pravima pacijenata i postojeće legislative; - daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama;
- prati povrede pojedinačnih prava pacijenata na području Grada Goražda ;
- predlaže preduzimanje mjera za zaštitu i unaprjeđenje prava pacijenata na području Grada Goražda;
- obavještava Zdravstveni savjet u Kantonalnom ministarstvu o slučajevima težih povreda prava pacijenata koje mogu ugroziti život i zdravlje pacijenta ;
- Zdravstveni savjet donosi Poslovnik o svom radu kojim bliže uređuje organizaciju i način rada ;
- podnosi Gradskom vijeću godišnji izvještaj o svom radu;
- obavlja druge poslove i zadatke u skladu sa Zakonom o pravima obavezama i odgovornostima pacijenata, Zakona o zdravstvenoj zaštiti , kao i poslovníkom o radu Zdravstvenog savjeta.

### **III**

Zdravstveni savjet broji devet članova koji se imenuju iz reda:

- predstavnika pacijenata,
- predstavnika Gradskog organa uprave,
- predstavnika mladih,
- predstavnika komora iz oblasti zdravstva,
- predstavnika stručnih udruženja i nevladinog sektora,
- predstavnika Crvenog krsta/križa,
- predstavnika zdravstvenih radnika iz zdravstvenih ustanova na području Grada Goražda,
- predstavnika zdravstvenih radnika privatnih praksi i
- predstavnika penzionera.

Zdravstveni savjet imenuje Gradonačelnik, na osnovu javnog poziva, na period od 4 godine sa mogućnošću reizbora.

#### IV

Pravo na prijavu za izbor u članstvo Zdravstvenog savjeta imaju kandidati iz reda pacijenata, mladih, gradskog organa uprave, komora iz oblasti zdravstva, stručnih udruženja, nevladinog sektora, zdravstvenih ustanova odnosno privatnih praksi, crvenog krsta/križa s područja grada, zdravstvenih radnika iz zdravstvenih ustanova na području Grada Goražde i penzionera.

**Kandidati su obavezni u prijavi da navedu iz kojeg se reda prijavljuju za člana Zdravstvenog savjeta.**

#### V

Kandidat za člana Zdravstvenog savjeta treba da ispunjava slijedeće uslove:

1. da je punoljetni državljanin Bosne i Hercegovine (dokaz: uvjerenje o državljanstvu),
2. da ima prijavljenu adresu prebivališta-boravišta na području Grada Goražda (CIPS prijavnica),
3. da ima minimalno tri godine radnog iskustva u instituciji, ustanovi, udruženju, nevladinoj organizaciji ili zdravstvenom sindikatu (dokaz: potvrda izdata od strane institucije, ustanove, udruženja, nevladine organizacije ili zdravstvenog sindikata),
4. da uživa ugled i ima evidentne rezultate rada u oblasti u kojoj djeluje (dokaz: potvrda izdata od strane institucije, ustanove, udruženja, nevladine organizacije ili zdravstvenog sindikata).

#### VI

Prijava treba da sadrži kraću biografiju o kandidatu, adresu i kontakt telefon kandidata, te dokaze o ispunjavanju uslova navedene u tački V ovog javnog poziva.

#### VII

Gradonačelnik će formirati Komisiju za izbor i imenovanje članova Zdravstvenog savjeta koja će na osnovu pristiglih prijava, predložiti Gradonačelniku listu kandidata za imenovanje u Zdravstveni savjet.

#### VIII

Javni poziv je objavljen na oglasnoj ploči Grada Goražda, na web stranici Grada Goražda ([www.gorazde.ba](http://www.gorazde.ba)) i na RTV BPK Goražde.

Javni poziv ostaje otvoren petnaest dana od dana objavljivanja, a o rezultatima Javnog poziva podnosioci prijave će biti blagovremeno obaviješteni.

Prijave sa potrebnom dokumentacijom dostavljaju se u zatvorenoj koverti na protokolu Gradske uprave Goražde svakim radnim danom od 7,30 do 16,00 sati ili putem pošte na adresu: **Grad Goražde Služba za društvene djelatnosti i opću upravu ulica Maršala Tita 2, 73 000 Goražde sa naznakom "Prijava na Javni poziv za izbor i imenovanje članova Zdravstvenog savjeta - ne otvarati". Na poledini koverta obavezno upisati kontakt podatke o podnosiocu prijave. Neblagovremene i nepotpune prijave neće se uzimati u razmatranje.**

Dodatne informacije se mogu dobiti na broj telefona: 038/241-450, lokal 254.

GRADONAČELNIK